



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 70., 71. i 72. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 1304-1/26 od 16.02.2026. godine, Uprava Javnog preduzeća „Grijanje“ d.o.o. Zenica, donosi:

ODLUKU o izboru najpovoljnijeg ponuđača

I

„DRVOREZ“ d.o.o. Hadžići, ul. Sastavci bb, 71240 Hadžići bira se za najpovoljnijeg ponuđača u postupku nabavke robe – Drvena sječka, putem otvorenog postupka nabavke, Obavještenje o nabavci sa portala javnih nabavki broj: 1091-1-1-485-3-50/25 od 29.10.2025. godine.

II

Odabrani ponuđač iz tačke I. ove odluke, dužan je dostaviti dokaze o ispunjavanju uslova lične sposobnosti iz tačke 3.1. tenderske dokumentacije u roku od **5 (pet) dana** od dana prijema ove odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Ugovor o nabavci robe – Drvena sječka, a najkasnije u roku od **15 (petnaest) dana** od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 29.10.2025.godine, ugovorni organ je sačinio tendersku dokumentaciju broj: 11281/25-DS za nabavku robe – Drvena sječka, putem otvorenog postupka nabavke, procijenjene vrijednosti 185.000,00 KM.

Na osnovu Obavještenja o nabavci broj: 1091-1-1-485-3-50/25 od 29.10.2025. godine, objavljenog na Portalu javnih nabavki: ejn.gov.ba, ponudu su dostavila četiri ponuđača i to:

1. „PRIMAPROM“ d.o.o. Banja Luka, Vidovdanska bb, 78000 Banja Luka, sa ponuđenom cijenom od 184.590,00 KM bez PDV-a,
2. „ABROL-TREYD“ d.o.o. Vitez, Kruščica br. 188, 72250 Vitez, sa ponuđenom cijenom od 184.500,00 KM bez PDV-a,
3. „DRVOREZ“ d.o.o. Hadžići, ul. Sastavci bb, 71240 Hadžići, sa ponuđenom cijenom od 184.500,00 KM bez PDV-a i
4. „ALI & VIS“ d.o.o. Kreševo, Gunjani bb, 71260 Kreševo, sa ponuđenom cijenom od 184.950,00 KM bez PDV-a.

U toku otvaranja pristiglih ponuda, provjerom dostavljene dokumentacije u skladu sa uslovima tenderske dokumentacije, Komisija ugovornog organa je utvrdila da su sva četiri ponuđača dostavila svu potrebnu dokumentaciju, odnosno da ponude ponuđača „PRIMAPROM“ d.o.o. Banja Luka, Vidovdanska bb, 78000 Banja Luka, „ABROL-TREYD“ d.o.o. Vitez, Kruščica br. 188, 72250 Vitez, „DRVOREZ“ d.o.o. Hadžići, ul. Sastavci bb, 71240 Hadžići i „ALI & VIS“ d.o.o. Kreševo, Gunjani bb, 71260 Kreševo ispunjavaju formalno-pravne uslove za dalje učešće u postupku javne nabavke, te u vezi s tim njihove ponude su ocijenjene kao prihvatljive.

Tenderskom dokumentacijom predviđeno je provođenje e-aukcije. Dana 21.11.2025. godine zakazana je e-aukcija za dan 24.11.2025. godine sa početkom u 09:00 sati. Nakon završene e-aukcije, daje se tabelarni pregled – rang lista prihvatljivih ponuda ponuđača kako sljedi:

RB.	NAZIV PONUĐAČA	VRIJEDNOST PONUDA BEZ PDV-a (KM)	RANG
1.	„ALI & VIS" d.o.o. Kreševo, Gunjani bb, 71260 Kreševo	164.850,00	1.
2.	„PRIMAPROM" d.o.o. Banja Luka, Vidovdanska bb, 78000 Banja Luka	164.900,00	2.
3.	„DRVOREZ" d.o.o. Hadžići, ul. Sastavci bb, 71240 Hadžići	182.000,00	3.
4.	„ABROL-TREYD" d.o.o. Vitez, Krušćica br. 188, 72250 Vitez	182.100,00	4.

Shodno naprijed navedenom, Komisija za nabavke dala je preporuku ugovornom organu da, u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača „ALI & VIS" d.o.o. Kreševo, Gunjani bb, 71260 Kreševo kao najpovoljnijeg ponuđača za predmetnu nabavku, te da odabranom ponuđaču ponudi zaključenje ugovora o nabavci roba – Drvena sječka.

Ugovorni organ donio je dana 27.11.2025. godine Odluku o izboru „ALI & VIS" d.o.o. Kreševo, Gunjani bb, 71260 Kreševo kao najpovoljnijeg ponuđača broj: 12520/25. Navedenu odluku su ponuđači zaprimili u različito vrijeme, i to: „PRIMAPROM" d.o.o. Banja Luka dana 01.12.2025. godine, „ALI & VIS" d.o.o. Kreševo i „ABROL-TREYD" d.o.o. Vitez dana 02.12.2025. godine, a „DRVOREZ" d.o.o. Hadžići dana 03.12.2025. godine.

U ostavljenom roku, 5 dana od prijema odluke, odnosno do 07.12.2025. godine izabrani ponuđač „ALI & VIS" d.o.o. Kreševo nije dostavio dokaze o ispunjavanju uslova iz člana 45. i 47. Zakona.

Blagovremeno, ponuđač „PRIMAPROM" d.o.o. Banja Luka izjavio je žalbu na odluku o izboru najpovoljnijeg ponuđača, koja žalba je zaprimljena na protokol preduzeća dana 15.12.2025. godine. Žalbeni navodi odnose se na pogrešnu primjenu Zakona, podzakonskih akata donesenih na osnovu Zakona i tenderske dokumentacije. Žalitelj je posebno istakao da je ugovorni organ:

- morao odbaciti ponudu ponuđača „ALI & VIS" d.o.o. Kreševo jer je isti u ponudi dostavio običnu kopiju potvrde kojom dokazuje tehničku i profesionalnu sposobnost traženu tačkom 3.4.2. pod b) tenderske dokumentacije te zbog propuštanja dostavljanja dokaza o ispunjavanju uslova iz člana 45. i 47. Zakona, predviđene tačkama 3.1. i 3.3. tenderske dokumentacije, ugovor o nabavci drvene sječke trebao ponuditi upravo žalitelju kao drugorangiranom.
- morao odbaciti ponudu ponuđača „ABROL-TREYD" d.o.o. Vitez jer ponuđač u ponudi nije dostavio valjan dokaz o ispunjavanju uslova kojim se dokazuje ekonomska i finansijska sposobnost tražena tačkom 3.3. tenderske dokumentacije, odnosno da je dostavio potvrdu o aktivnom i solventnom bankovnom računu koja nije pravilno datirana 12 mjeseci od objave tendera, tačnije od 29.10.2024. - 29.10.2025, već se odnosi na period od 11.11.2024. - 11.11.2025. godine.
- morao odbaciti ponudu ponuđača „DRVOREZ" d.o.o. Hadžići jer ponuđač nije dokazao sposobnost obavljanja profesionalne djelatnosti iz člana 46. Zakona predviđene tačkom 3.2. tenderske dokumentacije jer je dostavio običnu kopiju aktuelnog izvoda iz sudskog registra, a ne original ili ovjerenu kopiju kako je traženo tačkom 3.2. tenderske dokumentacije.

Po zaprimanju žalbe, ugovorni organ je dana 16.12.2025. godine donio Odluku o odgađanju postupka javne nabavke broj: 13299/25 te o izjavljivanju žalbe i odgađanju postupka ponuđače obavijestio putem portala javnih nabavki ejn.gov.ba.

Ugovorni organ je na žalbene navode zajedno sa spisom, dana 18.12.2025. godine Uredu za razmatranje žalbi Bosne i Hercegovine (u daljem tekstu: URŽ BiH), poslao izjašnjenje kojim osporava žalbu u cijelosti, te istakao:

- potvrda ponuđača „ALI & VIS" d.o.o. Kreševo kojom dokazuje tehničku i profesionalnu sposobnost sadrži pečat i ovjeru Općine Kreševo, a koja ovjera se nalazi sa druge strane potvrde odnosno na 24. stranici ponude te da ne osporava da ponuđač „ALI & VIS" d.o.o. Kreševo nije u predviđenom roku, odnosno do dana 07.12.2025. godine dostavio dokaze o ispunjavanju uslova iz člana 45. Zakona, ali je ugovorni organ, obzirom da su ponuđači u različito vrijeme zaprimili pobijanu odluku i to: „PRIMAPROM" d.o.o. Banja Luka dana 01.12.2025. godine, „ALI & VIS" d.o.o. Kreševo i „ABROL-TREYD" d.o.o. Vitez dana 02.12.2025. godine, a „DRVOREZ" d.o.o. Hadžići dana 03.12.2025. godine, čekao protek roka za izjavljivanje žalbe, koji rok je istekao dana 13.12.2025. godine, kako bi sačinio Odluku o izboru drugorangiranog ponuđača, u ovom slučaju žalitelja i istom ponudio zaključivanje ugovora.

- potvrda ponuđača „ABROL-TREYD" d.o.o. Vitez izdata od strane banke na dan 11.11.2025. godine je u korelaciji sa odredbom tačke 3.3.1. pod b) tenderske dokumentacije, uzme li se u obzir da je tenderska dokumentacija objavljena dana 29.10.2025. godine kao i činjenice da prikupljanje potvrda i dokumentacije zahtijeva određeni vremenski rok pribavljanja iste, a bilo kakve sumnje u ekonomsku sposobnost ponuđača „ABROL-TREYD" d.o.o. Vitez opovrgava i dostavljena dokumentacija o ispunjavanju uslova za ličnu kvalifikaciju ponuđača, posebno uvjerenje Uprave za indirektno oporezivanje na kojem jasno stoji navedeno da ponuđač nema dugovanja.
- kopiju Aktuelnog izvoda iz sudskog registra ponuđača „DRVOREZ" d.o.o. Hadžići je u skladu sa odredbama tačke 3.2.3. tenderske dokumentacije jer pečat ovjere Općine Hadžići jasno i nedvosmisleno stoji na zadnjoj stranici dokumenta, odnosno na 34. stranici ponude.

URŽ BiH, rješavajući u navedenom predmetu, dana 30.01.2026. godine donio je rješenje broj: JN-2-03-07-1-2079-9/25, koje rješenje je ugovorni organ zaprimio na protokol preduzeća dana 02.02.2026. godine. Navedenim rješenjem URŽ BiH je usvojio žalbu žalitelja „PRIMAPROM" d.o.o. Banja Luka, poništio Odluku o izboru najpovoljnijeg ponuđača broj: 12520/25 od dana 27.11.2025. godine, usvojio zahtjev žalioaca za naknadu troškova sastavljanja predmetne žalbe te obavezao ugovorni organ na isplatu spomenutih troškova i izjasnio se da će o povratu uplaćenih sredstava na ime naknade za pokretanje žalbenog postupka donijeti posebno rješenje.

URŽ BiH je u navedenom rješenju konstatovao sljedeće:

- **Neosnovan** je navod žalitelja da je ponuđač „ALI & VIS" d.o.o. Kreševo uz ponudu dostavio običnu kopiju potvrde o uredno izvršenim ugovorima izdate od strane Javnog preduzeća „Grijanje" d.o.o. Zenica broj: 11698-1/25-DS od dana 10.11.2025. godine, jer je URŽ BiH, uvidom u originalnu ponudu ponuđača utvrdio da se na poleđini potvrde nalazi originalna ovjera nadležnog organa (Opština Kreševo) broj: 05-5603 od dana 17.11.2025. godine.
- **Osnovan** je navod žalitelja da je ugovorni organ imao smatrati ponudu ponuđača „ALI & VIS" d.o.o. Kreševo neprihvatljivom jer ponuđač nije ispunio obaveze u vezi sa dostavljanjem dokaza o ličnoj i ekonomsko-finansijskoj sposobnosti u roku od 5 (pet) dana od dana zaprimanja Odluke o izboru najpovoljnijeg ponuđača.
- **Osnovan** je navod žalitelja da potvrda banke o aktivnom i solventnom računu izdata od Bosna Bank International, Podružnica Vitez od dana 11.11.2025. godine, a koju je dostavio ponuđač „ABROL TREYD" d.o.o. Vitez, ne dokazuje da je račun ponuđača aktivan i solventan zadnjih 12 (dvanaest) mjeseci od dana objave tendera (29.10.2025. godine).
- **Neosnovan** je navod žalitelja da je ponuđač „DRVOREZ" d.o.o. Hadžići uz ponudu dostavio običnu kopiju aktuelnog izvoda iz sudskog registra broj: 065-0-REG3-25-011021 od 01.09.2025. godine izdatog od Općinskog suda u Sarajevu, jer je URŽ BiH, uvidom u originalnu ponudu ponuđača utvrdio da se na zadnjoj strani dokumenta nalazi originalna ovjera nadležnog organa (Opština Hadžići) broj: 47588 od dana 13.11.2025. godine.

Na osnovu upute URŽ-a BiH da ugovorni organ postupio je po stavovima iznesenim u rješenju, Komisija je izvršila ponovni pregled i ocjenu ponuda te utvrdila da su tri ponuđača dostavila svu potrebnu dokumentaciju prema zahtjevima iz tenderske dokumentacije, odnosno da ponude ponuđača „PRIMAPROM" d.o.o. Banja Luka, Vidovdanska bb, 78000 Banja Luka, „DRVOREZ" d.o.o. Hadžići, Sastavci bb, 71240 Hadžići i „ALI & VIS" d.o.o. Kreševo, Gunjani bb, 71260 Kreševo ispunjavaju formalno pravne uslove za dalje učešće u postupku javne nabavke, te u vezi s tim njihove ponude su ocijenjene kao prihvatljive, dok ponuda ponuđača „ABROL-TREYD" d.o.o. Vitez, Kruščica broj 188, 72250 Vitez je ocijenjena kao neprihvatljiva s obzirom da ponuđač nije ispunio kriterij ekonomske i finansijske sposobnosti tražene tenderskom dokumentacijom.

Shodno odredbi tačke 4.7. tenderske dokumentacije koja predviđa održavanje e-aukcije, a imajući u vidu član 9. Pravilnika o uslovima i načinu korištenja e-aukcije („Službeni glasnik BiH" broj: 80/23), Komisija je dala preporuku da se poništi ranije održana e-aukcija i ponovo zakaže nova e-aukcija za ponuđače koji ispunjavaju uvjete za dalje učešće u postupku (prihvatljive ponude), o čemu su ponuđači obaviješteni putem systemske notifikacije portala ejn.gov.ba.

Ugovorni organ je dana 04.02.2026. godine, shodno članu 60. Zakona, putem emaila uputio zahtjev ponuđačima za produženje perioda važenja ponuda odnosno garancije za ozbiljnost ponude za novih 90 (devedeset) dana, obzirom da period važenja dostavljenih ponuda ističe sa danom 18.02.2026. godine. Do sačinjavanja ove odluke, ugovorni organ zaprimio je:

- dana 05.02.2026. godine putem emaila akt - Produženje ponude „PRIMAPROM" d.o.o. Banja Luka broj: 03-05-05.02/26 od 05.02.2026. godine, te dana 09.02.2026. godine putem protokola Anex I za produženje garancije za ozbiljnost ponude broj: 43307/25;
- dana 06.02.2026. godine putem emaila akt - Produženje važenja ponude „DRVOREZ" d.o.o. Hadžići, te

dana 12.02.2026. godine putem protokola akt - produženje važenja ponude, i Anex broj I za produženje garancije za ozbiljnost ponude broj: 1861816220647133.

Ugovorni organ je dana 09.02.2026. godine na portalu ejn.gov.ba poništio ranije održanu e-aukciju, te zakazao novu e-aukciju za ponuđače koji ispunjavaju uvjete za dalje učešće u postupku (prihvatljive ponude) za dan 11.02.2026. godine sa početkom u 09:00 sati.

Daje se tabelarni pregled – konačna rang lista ponuđača koji su učestvovali u e-aukciji kako slijedi:

RB.	NAZIV PONUĐAČA	VRIJEDNOST PONUDA BEZ PDV-a (KM)	RANG
1.	„DRVOREZ“ d.o.o. Hadžići, ul. Sastavci bb, 71240 Hadžići	184.500,00	1.
2.	„PRIMAPROM“ d.o.o. Banja Luka, Vidovdanska bb, 78000 Banja Luka	184.590,00	2.
3.	„ALI & VIS“ d.o.o. Kreševo, Gunjani bb, 71260 Kreševo	184.950,00	3.

Shodno naprijed navedenom, Komisija za nabavke dala je **PREPORUKU** ugovornom organu da, u smislu člana 69. stav (1) tačka a), te člana 70. stav (3) Zakona donese Odluku o izboru ponuđača „**DRVOREZ“ d.o.o. Hadžići, ul. Sastavci bb, 71240 Hadžići** kao najpovoljnijeg ponuđača za predmetnu nabavku, te da odabranom ponuđaču ponudi zaključenje ugovora o nabavci roba – Drvena sječka.

Imajući u vidu navedeno donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi BiH u dovoljnom broju primjeraka putem ugovornog organa, lično ili preporučenom poštom, u roku od **10 (deset) dana** od dana prijema iste.

Broj: 1670/26

Datum: 16.02.2026. godine



Direktor

Pašalić Muhammed, Mr.dipl.ing.el.

DOSTAVITI :

4 x Ponuđači – preporučeno poštom s povratnicom

1 x Uprava preduzeća

1 x Odjeljenje za kadrovske i opšte poslove (A.S.)